

# Kolose Lenji Leta Pol Le Rorori Utu iviva

Kolose iye ghemba regha ina Eisiya e tine. Ma mbaṅa regha Pol i wawe (2:1), ko iyemaenge va i wa Epesas, iye Eisiya ghemhaniye laghiye moli na ve vavagharewe theghathegha umboto e tine. Ghayamoyamo ṅgoreiye va e mbaṅako iyako Epapras i tabo ralonṅwelonṅweghathi, na iye va i wa Kolose na ve vavaghareṅa Toto Thovuye gheko, ko amba ekelesiya i yomara e valivaṅgako iyako (1:17; Vakatha 19:10).

Mbaṅa Pol ina e thiyo Rom e tine, amba Epapras i wawe na ve thuwe, na i utugiya ekelesiya Kolose utuutuniyewe (1:7-8). Ekelesiya utuniye vavana i thovuye, ko iyemaenge ravavaghare kwanikwan vavana mbe inanjiva e ghem-bako iyako tine. Ravavaghareṅgiko thiyako thiṅava ekelesiya ne thi ghambunḡiya mbaro i ghanagha lenji kururuko kaiwae, mbema thi wonjoṅa bwagabwaga enḡe ghanjimberegha na thi vakatha viri e riwanjiko (2:16, 20-21, 23). Na tembe thiṅava ralonṅwelonṅweghathi thi kururu wenḡiva nyao thovuthovuye (2:1). Na tembe thiṅava thiye lenji kamwathiko e tine ekelesiya valikaiwanji thi vaidiya ghareghare regha, na ghareghareko iyako gharigharike wolaghiye ma valikaiwanji.

Iya kaiwae letake iyake e tine Pol i vagharengi Kolose, inja Jisas iye i laghiye kivwalangiya bigibigike wolaghiye na iye Loi emunjoru (1:15-17), na iye ekelesiya umbaliye (1:18). Na Pol tembe i worangiyava, weya Kraais bigibigike wolaghiye i mboromboro wenji. Ma valikaiwae tembe thi tamweva ghavatavatabo e valivanja regha (2:2-3, 9-10). Pol tevambe i utunava wenji yawalinji thanavuniye iya valikaiwae thi vakatha kaiwae thiye ralonwelonweghathi (3:1-4:1).

<sup>1</sup> Ghino Pol, Loi le renuwanja e tine ya tabo Kraais Jisas ghalinae gharaghambi. Weingu ghaghanda Timoti

<sup>2</sup> wo roriya letake iyake na wo variye i ghaona e ghemi, ghemi Loi le gharighari huya yaku Kolose e tine; ghemi lama bodaboda na ralonwelonweghathi moli weya Kraais.

Ya nanjo weya Loi Ramanda ghare wenja na le gharemalili i riyevanjara gharemina.

*Pol i vata ago na i nanjo weya Loi Kolose kaiwanji*

<sup>3</sup> Mbanjake wolaghiye wo nanjo kaiwami wo vata ago weya Loi, iye ghanda Giya Jisas Kraais Ramae,

<sup>4</sup> kaiwae kaero wo lonweya lemi lonweghathi weya Kraais Jisas na lemi gharethovuna wenjiya Loi le gharigharike wolaghiye.

<sup>5</sup> Lemi lonweghathi na lemi gharethovuko iyako righe kaiwae weimi lemi gharematuwo hu roroghagha thovuyeko iya Loi va i vatharaweko kaiwami e buruburu. Thovuyeko

iyako utuniye va hu loṅwe e utuutu emunjoru, Toto Thovuye, kaero va i mena wenḡa.

<sup>6</sup> Toto Thovuye kaero i ru wenḡa, ṅgoreiya i ru e yambaneke laghiye. Kaero i yala na i raurau, ṅgoreiya i vakatha wenḡa, i ri mbananiye vara va hu loṅweya Loi le mwaewo utuniye na hu ghareghareya ghaemunjoru moli.

<sup>7</sup> Va hu loṅweya utuniye weya Epapras, iye lama valirakakaiwo na valighareghareme i rothiime, na iye Krai le rakakaiwo thovuye kaiwami.

<sup>8</sup> Iye i giya yanawame Nyao Boboma le vurigheghe e tine na hu gharethovu wenḡiya lemi valiralonḡwelonḡweghathi.

<sup>9</sup> Iyako kaiwae i ri mbananiye wo loṅweya utunimi, mbe wo ronḡḡonḡḡo enḡe kaiwami mbala Nyao Boboma i giya thimba na renuwaṅa rumwarumwaruniye e ghemi, na mbala Loi le renuwaṅa kaiwami hu ghareghare wagiya.

<sup>10</sup> Mbala e yawalimina lemi yakuyaku ṅgoreiya Giya nuwaiya, na lemi vakathake wolaghiye iye i warariṅa. Yawalimina mbala i rau na uneya vakatha thovuye lemoyo, na Loi ghaghareghare mbe i laghilaghiye vara e ghemi.

<sup>11</sup> Tembe ṅgoreiyeva wo nḡḡo, Loi iye i vavurigheghenḡa mbe amalaghiniye vara le vurighegheko laghiye e tine na mbala valikaiwami weimi riwouda hu ghatanaghathinḡiya vuyowo wolaghiye. Na weimi lemi warari

<sup>12</sup> hu vata ago weya Ramanda, kaiwae iye va i vatoghanḡa na valikaiwami weimiyanḡiya le gharighari hu wo thovuyeko iyava i woraweko

kaiwami manjamanjala ghaghamba mbaro hu wo na regha.

<sup>13</sup> Kaiwae Loi kaerova i rakayathuinda na momouwo ma tembe i mbaronjaindava, na i vanjuraweinda ra yaku Nariye gharegharethovuniye ele ghamba mbaro tine.

<sup>14</sup> Weya Nariye ghamberegha Loi i vamodo njoghainda na i numotena la thari.

*Krais i laghiye kivwala bigibigike wolaghiye*

<sup>15</sup> Krais iye Loi ma ra thuwathuwa ngalingaliya, na iye viri viva wenjiya Loi le vakathangiko wolaghiye,

<sup>16</sup> kaiwae weya amalaghiniye, Loi va i vakathangiya bigibigike wolaghiye e buruburu na e yambaneke, bigibigiko iya ra thuwengiko na iya ma valikaiwae ra thuwengiko, nyao thovuthovuye na nyaongiva, thiye e lenji mbaro na e lenji vurigheghe. Weya amalaghiniye na amalaghiniye kaiwae iye Loi va i vakathangiya bigibigike wolaghiye.

<sup>17</sup> Muyai amba bigibigike wolaghiye thi yomara, iye vama inawe, na amalaghiniyewe bigibigike wolaghiye thi yaku.

<sup>18</sup> Na tembe ngoreiyeva, amalaghiniye ekelesiya umbaliye na iye riwaya ekelesiya. Iye ekelesiya yawaliye righe, na iye va i vugha thuweiruva. Mbala iye i roviva bigibigike wolaghiye wenji.

<sup>19</sup> Kaiwae Loi mbe ghamberegha i worawe le renuwanja, yawaliye na gathanavuko wolaghiye ina weya Krais, mbema wolaghiyeko vara i riyevanjara.

<sup>20</sup> Loi kaero i renuwana na ngoreiye, weya Krai weinda amalaghiniye namoghamwanda. Va i vivako bigibigike wolaghiye e buruburu na e yambaneke weiyе gharighari va thi meghaghathi weya Loi. Iya kaiwae Krai i mare e kros vwatae na madibae i voru, e tine Loi i vakathanji na namoghamwanji weinji na thi vighathi weinji.

<sup>21</sup> Ghemi va hu bwagabwaga moli weya Loi, na va lemi vakatha na lemi renuwana raraithari kaiwanji, ghemi amalaghiniye ghathighiyangi.

<sup>22</sup> Ko iyemaenge e mbanake iyake, Nariye riwaeko moli va i mare iya kaiwae Loi i vakathanja na namoghamwami. Na i vakatha ngoreiyako na i vanjunga hu ndeghati e marae hu boboma, hu thina na ma e ghamiwonjowe.

<sup>23</sup> Ne i vakatha ngoreiyako thonjo ghemi mbe hu vinjimbі vara lemi lonweghathina hu ndeghati vurigheghe, mane hu nyivinyivi, ko iyemaenge weimi lemi gharematuwo hu rorogha thovuyeko kaiwae iya Totoko Thovuye i worangiya. Totoko Thovuye iyako ghemi kaerova hu lonje, na gharigharike wolaghiye e yambaneke laghiye kaerova thi lonje, na ghino Pol Totoko Thovuye iyako gharakakaiwo.

### *Pol i rovurigheghe ekelesiya Kolose kaiwanji*

<sup>24</sup> E mbanake iyake ghino ya warari ya vaidiya vuyowo ghemi ghamithalavu kaiwae. Ghino nuwanguiya Krai riwae, iye ekelesiya, ya thalavu, iya kaiwae na ya vavaidiya vuyowo.

<sup>25</sup> Loi kaerova i giya wo mbaro na ya tabo ekelesiya gharakakaiwo, na iya va i giya kaiwoke iyake e ghino na ya vakatha lemi thovuye kaiwae. Wo kaiwo ya utuŋa Loi le utuutuko wolaghiye e ghemi.

<sup>26</sup> Loi le utuutuko iyako va mbowo i rothuwele wenŋiya tha na tha mbaŋa me vivako, ko iyemaenŋe mbaŋake iyake kaero i woraŋgiya wenŋiya le gharighari.

<sup>27</sup> Loi va i renuwaŋa ŋgoreiye na i woraŋgiya wenŋiya le gharighari utuutuko iyava i rothuweleko na ra ghareghare i thovuye moli, na valikaiwae i thalavunŋiya ma Jiu gharighariniye. Utuutuko iyako iyake: Krai i yaku wenŋa na hu ghareghare wogiyawe nevole hu wo le wwenyevwenyeko.

<sup>28</sup> Wo vavagharena Krai wenŋiya gharigharike wolaghiye. Weime lama thimbake wolaghiye wo utu vavurighenŋi na wo vagharenŋi, kaiwae nuwameiya taulaghiko thi tabo gharighari matuwonŋi weya Krai, na wo vanŋunŋi wo vanŋuruwonŋi Loi e marae.

<sup>29</sup> Weinŋu lo vurigheghe laghiye moli iya Krai va i giyako e ghino, na ya rorovurigheghe ya kaiwo.

## 2

<sup>1</sup> Nuwanŋuiya hu ghareghare ya rovurigheghe laghiye moli kaiwami weimiyangiya gharighari inanji Leodisiya e tine, na tembe ŋgoreiyeva gharigharike wolaghiye thiye ma mbaŋa regha thi thuwathuwa e ghino.

<sup>2</sup> Lo rovurigheghe righethoru kaiwae nuwanꝓuiya ya ꝓaevairiꝓga na hu wabwi na regha kaiwae hu ve gharethovu wengga. Tembe ngoreiyeva nuwanꝓuiya hu vwenyevwenyena ghareghare emunjoru na mbala Loi le renuwanꝓa rorothuweleniye hu ghareghare, na iyako iye Krai.

<sup>3</sup> Weya Krai thimba na ghareghareko wolaghiye ngoreiya bigi regha thovuye i rothuwele ghinda kaiwanda.

<sup>4</sup> Ma utu e ghemi ngoreiyako kaiwae ma nuwanꝓuiya lolo regha le riuriu i logheloghe e nuwami na kaiwae amba i yaronꝓawe.

<sup>5</sup> Othembe ya mebwagabwaga moli e ghemi, iyemaenꝓe nyao ele valivanꝓa tine ghino mbe weinꝓuyanꝓi vara ghemi, na ya warari ya thuwenga hu kaiwo na regha na hu lonꝓweghathi vurigheghe weya Krai.

*Hu njimbukikiꝓga gharighari vavana lenji vavaghare na lenji mbaro kaiwanꝓi*

<sup>6</sup> Kaiwae va hu vanꝓuvatha Krai Jisas ghami Giya, wo hu yaku na hu tubwe na regha weimi.

<sup>7</sup> Ghemi ngorami wokithinꝓa moli, hu vatada yawalimi weya amalaghiniye na i vurigheghe. Lonꝓweghathiko iyava thi vagharenꝓako hu vikikighathi, na mbanꝓako wolaghiye hu vata ago laghiye moli weya Loi.

<sup>8</sup> Hu njimbukikiꝓga na thava gharighari thi vakathanꝓa hu wona e lenji vavaghare kwanikwaninꝓina e tine iya ma e uneunena. Lenji renuwanꝓako iyako ma i mena weya Krai, ko iyemaenꝓe i mena orumburumbunꝓi lenji

vavaghare e tine, na i mena e mbaro ghanjir-erenuwaja mbe i mena enge e yambaneke.

<sup>9</sup> Hu njimbukikinga ngoreiyako, kaiwae Loi yawaliye na gathanavuko wolaghiye kaero i riyevanjara Krai na i tabo na lolo,

<sup>10</sup> kaiwae Krai yawaliye thovuye i riyevanjara. Nyaongike wolaghiye lenji mbaro na lenji vurigheghe Krai i kivwalavaongi.

<sup>11</sup> Weya Krai kiteniyathu thanavuniye moli ghemi kaero hu wo. Kiteniyathuko thanavuniye iyako ma ngoreiya gharighari thi vakavakatha, ko iyemaenge iyako Krai iye i vakatha, na iyako thari thanavuniye iya riwamina nuwaiya gharakayathu kaiwae.

<sup>12</sup> Mbanja va hu bapitaiso hu mare na regha weimi Krai na thi bekungu, na tembe weimiva hu thuweiru na regha. Loi va i vakathanga na hu thuweiruva kaiwae hu lonweghathigha Loi weiye le vurigheghe i vakatha Krai na tembe i thuweiruva mare e tine.

<sup>13</sup> Ghemi kaero va hu mare kaiwae hu vakatha vathari na kaiwae Loi mava i rakayathu thari thanavuniye e tine riwamina nuwaiya moli. Ko iyemaenge mbanjake weimi Krai Loi kaero i vakathanga hu thuweiru na e yawayawalimi. Loi kaero i numotena la tharike wolaghiye.

<sup>14</sup> La thari utuniye weiye Mosese le Mbaro Loi kaero i rakayathu. La thariko iyako utuniye va i yowo na ve nge weiye e krosiko vwatae.

<sup>15</sup> Na nyaongi thiye e lenji mbaro na e lenji vurigheghe kaero Loi i rakayathungi na i vamonjinaangi wabwi e maranji, na e kros vwatae Krai i kivwalaangi na thiya yaku e raberabe.



<sup>16</sup> Thava lolo regha i wovatharithariṅa the bigiya valikaiwami hu ghan o hu mun, o kururu ghathaga kaiwanji, o manjala togha kururu kaiwae, o Sabat kaiwanji.

<sup>17</sup> Bigibigike wolaghiye thiyake ṅgoranjiya iya amba i menamenako ṅgalingaliya, ko iye-maenṅe emunjouruniye moli kaero i yomara noroke, iye Krai.

<sup>18</sup> Budakaiya tanuwagae moliya ghemi thava hu vatomwe weya lolo regha i woranjiya e ghemi, thonṅo iṅa iye lolo regha na i laghiye kaiwae i thuwenjiya vavaghare na nuwaeko mbe nuwaiya vara i vavothaṅa thanavuko iya ma emunjouruko, na hu kururu wenjiya nyao thovuthovuye. Ko iyemaenṅe thonṅo hu ghambu lenji renuwaṅa mane hu vaidi modami thovuye. Gharighari ṅgoranjiyako mbema thi utu mbele enṅe ghaenji kaiwae lenji renuwanako mbe i mena enṅe e yambaneke renuwananiye.

<sup>19</sup> Gharighari ṅgoranjiyako thiye kaero ma thi tubwe weya Krai, iye ekelesiya umbaliya. Iye i mbaronṅa ṅginauke wolaghiye na i ghande. Nginau regha na regha thi tubwe na regha na ririwoko iyako i mbuthu ṅgoreiya Loi le renuwaṅa.

<sup>20</sup> Kaerova hu mare weimi Krai na ma valikaiwae yambaneke lenji renuwaṅa thi mbaronṅangava. Budakai kaiwae na lemi yakuyaku thanavuniye mbe ṅgoreiye vara yambaneke yawaliniye? Buda kaiwae hu ghambugha mbaronṅike iya thinake,

<sup>21</sup> “Bigithan thava hu vighathi! Ghanṅathan

thava hu ghan! Bigithan nimamina ne i nde-wawe!"?

<sup>22</sup> Mbarongike thiyake iya thi utunja bigibigike kaiwanji, mbanja ne ra vakaiwonangi kaero thi ko. Mbaroko thiyako na vavaghareko thiyako thi mena wenjiya yambaneke gharighariniye.

<sup>23</sup> Emunjoru gharighari lemoyo lenji renuwanja thijava thavala thi vakatha mbarongiko thiyako thiye thi thimba, ko iyemaenge nandere moli. Tembe thiye vara thi vakatha lenji kururuko na thijava thiye ghanjithanavu i ghenenja, ko iyemaenge nandere. Tembe ngoreiyeva, thi giya vuyowo wenjiya riwanji na thijava Loi kaiwae, ko iyemaenge mbarongiko thiyako ma thi thalavugha lolo iya ghambereghako nuwaiya i mbaronja budakaiya riwaeko nuwaiya.

### 3

#### *Yawali togha thanavuniye weya Krai*

<sup>1</sup> Weimi Krai kaero Loi i vanjuthuweirunja mare e tine na kaero e yawayawalimiva, iya kaiwae nuwamina mbe i ghangowe vara bigibigi nanji e buruburu. Krai kaero ina gheko na i yaku Loi e uneke.

<sup>2</sup> Mbe hu rerenuwanja vara bigibigi yavoroke kaiwanji; na thava lemi renuwanana i ghangowa yambaneke bigibiginiye.

<sup>3</sup> Ghemi kaerova hu mare yawali teuye e tine, na mbanjake iyake weimi Krai e yawalimi togha Loi e marae.

<sup>4</sup> Kraisi iye yawalimi righe moli, na mbanja Kraisi ne i yomarava, ne weimi hu yomara na hu vwenyevwenye.

<sup>5</sup> Yambaneke thanavuniyeke wolaghiye iya ina e yawalimina mbema hu roitetengi vara moli, ngoreiya yathima thanavuniye raraithari, monjina thanavuniye, numwe thanavuniye, thari ghavakatha gharerenuwana, na nganganiri thanavuniye (kaiwae nganganiri thanavuniye ngoreiya ra kururu wengiye loi kwanikwan.)

<sup>6</sup> Thanavu ngoranjyako kaiwanji Loi le ghatemuru i menamena wengiye gharighari ma thi ghambugha ghalinae.

<sup>7</sup> Ghemi va hu vakavakatha iya thanavungiko thiyako na yawalimina va ngora iyako.

<sup>8</sup> Ko iyemaenge e mbanjake iyake hu bigiyathungiya thanavuke thiyake: wogaithi, ghatemuru, yanji, utuvathari wengiye ghandaune na utu raraithari.

<sup>9</sup> Thava hu utu kwanikwan wengiye ghamune, kaiwae yawalimi teuye weiye thanavuniye kaero hu wokiyathu,

<sup>10</sup> na kaero hu njimbo yawalimi togha. Loi kaero i vatoghananga, na iye mbe i vavatoghananga vara, na yawalimina ghathuwathuwa ngoreiya amalaghiniye ghami Ravakatha ngalingaliya, na ghaghareghare i laghiye e ghemi.

<sup>11</sup> Iyake kaiwae ma e ghatomethi, thongo ghinda Jiu o Grik gharighariniye ngoreiye, thongo ghinda ra wo kiteniyathu thanavuniye o ma ra wo kiteniyathu thanavuniye, thongo mbe ghalighalina regha gharighariniye,

thonjo ghinda wabwi ma thanavu ina wenji, thonjo ghinda rakakaiwobwaga o rakarakay-athu gharighariniye. Ko iyemaenge Kraisi iye bigibigike wolaghiye, na iye i yaku wenjiya ralonwelonweghathike wolaghiye.

<sup>12</sup> Iya kaiwae ghemi Loi le tututhi gharighariniye, hu boboma na i gharethovunga. Mbala hu njimbonjiya thanavuke thiyake: ghareviri, mwaewo, gharenja, thanavu udauda na ghatanaghathi.

<sup>13</sup> Mbe e lemi ghatanaghathi wenga regha na regha na hu venumoteniinga mbanja thonjo lolo regha e tinemina i liya gheu regha ghautu. Hu venumoteniinga ngoreiya Giya kaerova i numoteniinga.

<sup>14</sup> Na thanavuke thiyake e vwatanji hu woraweya gharethovu thanavuniye, kaiwae iye i tubwenjiya na regha thanavuke thovuthovuye wolaghiye.

<sup>15</sup> Hu vakatha Kraisi le gharemalili i mbaronja gharemi na yawalimi, kaiwae e gharemaliliko iyako tine iya Loi va i kulana e ghemi na hu wabwi na regha. Na mbanjake wolaghiye hu vata ago weya Loi.

<sup>16</sup> Mbanjake wolaghiye mbe hu rerenuwana Kraisi utuutuniye. Weiye lemi thimbana wolaghiye hu vavaghare na hu vavurighheghenga regha na regha. Na mbanja hu wothunangiya sam, kururu ghawothu na wothu vavanava ngoreiya Nyao Boboma le worangiya e ghemi e gharemina hu vata ago weya Loi.

<sup>17</sup> Bigibigina wolaghiye iya hu vakavakathana na hu utuutunana, hu vakatha Giya Jisas e idae.

Na amalaghiniye e idae hu vata ago weya Loi Ramanda.

*Ralonwelonweghathi lenji ngolo gharayakuyaku lenji yakuyaku utuniye*

<sup>18</sup> Ghemi ragheghe wanakau, hu ghambugha lemi ghimoghimoru lenji renuwaṅa, kaiwae thanavu ṅgoranjiyako i thovuye wenḡiya ralonwelonweghathi.

<sup>19</sup> Ghemi ragheghe ghimoghimoru, hu gharethovu wenḡiya lemi ovo na thava ghamithanavu i vurigheghe wenḡi.

<sup>20</sup> Gamagai, hu ghambugha otatami na orarami lenji renuwaṅa e bigibigike wolaghiye, kaiwae iyake Giya i warariṅa.

<sup>21</sup> Ghemi oramaramanji, thava hu wonjonanjonanḡiya lemi ṅganḡana, ne iwaenḡe hu vakowana ghaminanji, ko amba thi renuwaṅa na thiṅava ma valikaiwanji thi vakatha bigi thovuye regha.

<sup>22</sup> Ghemi rakakaiwobwaga, ghamigiyagiya e yambaneke hu ghambugha lenji renuwaṅa e bigibigike wolaghiye. Thava kaiwae mbe maranji vara wenḡa amba hu kaiwo na thovuye, na mbala thi warari kaiwami. Ko iyemaenḡe hu kaiwo weiye lemi gharevatomwe na lemi yavwatata weya Giya.

<sup>23</sup> The kaiwo hu vakatha, hu vakatha weiye gharemina laghiye, ṅgoreiya hu kaiwo weya Giya na ma gharighari kaiwanji ṅgoreiye.

<sup>24</sup> Kaiwae hu ghareghare budakaiya Giya va i vivatharawe le gharighari kaiwanji ne i wogiya

e ghemi. Ghemi Kraisi le rakakaiwo, na ghemi ghami Giya moli.

<sup>25</sup> Thari gharavakatha regha na regha ne i wo modae le thariko kaiwae. Loi ne i ghathangiya gharigharike wolaghiye, ne i mboromboro.

## 4

<sup>1</sup> Ghemi giyagiyana, lemi rakakaiwobwagana ghamithanavu wenji i rumwaru, kaiwae hu ghareghare ghemi tembe ngoreiyeva, ghami Giya Laghiye mbe ina e buruburu.

### *Renuwaja vavanava*

<sup>2</sup> Mbe hu nango valaja, na e lemi nangona tine thava weye maraghenaghena na mbe hu vata ago weya Loi.

<sup>3</sup> Tembe ngoreiyeva mbe hu nangonangova ghime kaiwame, na mbala Loi i vugha kamwathi weime na wo utuja ghalijae. Utuutuko iyako Kraisi utuutuniye, na iviva vambowo i rothuwele. Utuutuko iyako kaiwae noroke ghino inangu e thiyo tine.

<sup>4</sup> Hu nango kaiwangu na mbala valikaiwangu ya utuja Kraisi utuniye (thovuye) na i manjamanjala, kaiwae wo mbaro ngoreiye.

<sup>5</sup> Lemi yakuyakuna e tine mbe hu ghareghare na hu vakatha lemi vakatha wenjiya thavala amba ma thi lonweghathi, na tha hu vakowana ghamimbaña thovuye regha.

<sup>6</sup> Mbanake wolaghiye hu utuutu wenjiya gharighari, utuutu ghaminani thovuye hu utuja wenji (na valikaiwae i thalavunji), na valikaiwami hu ghareghare ngononga ne

huᵇa na hu thombe wagiya weya gharigharike wolaghiye lenji vaitonᵇi.

*Dage mwaewo*

<sup>7</sup> Taikikas, iye ghaghandana valigharegharenda, lo valirakakaiwo thovuye Giya kaiwae. Amalaghiniye ne i utuᵇa utuutuninguke wolaghiye e ghemi.

<sup>8</sup> Iyako kaiwae ya variye i ghaona e ghemi na i utuᵇa lama yakuyakuke utuniye e ghemi na i ᵇaevavairiᵇga.

<sup>9</sup> Iye weiye Onisimos, ghaghandana thovuye na valigharegharenda, na lemi wabwina loloniye regha. Thiye ne thi utugiya e ghemi bigibigike wolaghiye thi yoyomara e valivanᵇake iyake.

<sup>10</sup> Aristako, iye weiᵇgu wo yaku e thiyo. Weiye Mak, Banabas ighaiye, lenji mwaewo e ghemi. (Thonᵇo Mak ne i ghaona e ghemi, weimi lemi warari hu vanᵇuvatha ᵇgoreiya va ya utuma e ghemi.)

<sup>11</sup> Jisas, tembe thi reniva idae Jastas, i mwaewo e ghemi. Elo valirakaiwoke tine, ma theghetoke enᵇe thiyake Jiu gharighariniye, na ya kaiwo weiᵇguyangi Loi le ghamba mbaro kaiwae, na lenji thalavu i laghiye moli e ghino.

<sup>12</sup> Epapras i mwaewo e ghemi, iye lemi wabwima loloniye regha na Kraiᵇ Jisas le rakakaiwo regha. Mbanᵇake wolaghiye i nanᵇonango vurigheghe kaiwami na mbala hu ndeghathi vurigheghe, lemi lonᵇweghathi i matuwo, na hu ghareghare wagiya weya Loi le renuwanᵇa kaiwami.

<sup>13</sup> Ya vaemunjoruna e ghemi, i rovrighheghe na i kaiwo ghemi kaiwami weimiyangiya ralonwelonweghathi inanji Leodisiya na Hiyerapolis e tinenji.

<sup>14</sup> Luk iye lama dokita valighareghareme, weye Dimas thi mwaewo e ghemi.

<sup>15</sup> Hu giya lo mwaewo wengiya la bodaboda inanji Leodisiya e tine, na tembe ngoreiyeva weya lounda Nimpa weiyangiya ekelesiya thi memevathavatha ele ngolo tine.

<sup>16</sup> Mbanja ne hu vaonavao letake iyake, tembe hu variye na i wava ekelesiya Leodisiya e tine na thi vaona. Na tembe ngoreiyeva leta va ya variye Leodisiya, thi livenga na ghemi tembe hu vaonava.

<sup>17</sup> Hu dage weya Akipas hunja, “Kaiwoko iyava Giya i wovengena u vakathava.”

<sup>18</sup> E mbanjake iyake mbe wombergha vara ya roriya iyake. Ghino Pol ya mwaewo e ghemi. Hu renuwanakiki ghino mbe inangu e thiyo tine. Loi ghare e ghemi.



**Toto Thovuye Loi Ghalinae**  
**Portions of the Holy Bible in the Sudest language of**  
**Papua New Guinea**  
**Buk Baibel long tok ples Sudest long Niugini**

copyright © 2014 Wycliffe Bible Translators, Inc.

Language: Sudest

Dialect: Tagula

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-23

---

PDF generated using Haiola and XeLaTeX on 28 Dec 2024 from source files dated 31 Aug 2023

7a63d67b-b890-5db0-8880-b6fd64f3b62f